

燮元贊運孚佑帝君重刻大洞玉經敘

道可得而言乎不可得而言也道可得而秘乎不可得而秘也道不容終秘又難以言傳二者之所不居而經典之所由宣示也經之旨有在於言字之內者由淺以厯深有在於糸微之際者由表以窺裏得其解者抉經之心司道之契卽經中之語言文字符籙咒訣均可不存得言忘象筌蹄可棄然知之者鮮矣故古來高真上聖有不得不由解識而入則經之爲予以津梁使登彼岸其度濟之益莫可名言至於消災救劫拔厄延生乃靈通所蘊萬古不磨其神妙固出於言思擬議之外者也茲編乃

道藏輯要

大洞玉經
序

一
氏集三
×一
文

元始天王爲神禹治水鎮伏諸瀆而傳厥後一授於天台再授於七曲奉而行之皆證妙果不特爲救護小劫也今夏南水盛漲侍壇超子曾爲河帥故欲其積誠感召以應天和幸覺子等同志贊勳發愿刊刻大洞玉經以弭患於未然志良善也夫此經之足以消弭水厄已著於

文帝前敘徵信已久自不必更述故爲闡傳道之初旨更爲述復刊之由以付諸子尙望讀是經者窺測玄奧其大義不外以人合天其究竟歸於以天從人學道者知人所固有之天復無始以來自然之天天外之天旣得而本心之天全矣